

Анатомиялық сыйды жасау және оны денсаулық сақтау ұйымдарына берудің қағидаларын бекіту туралы

Күшін жойған

Қазақстан Республикасы Денсаулық сақтау және әлеуметтік даму министрінің 2015 жылғы 30 наурыздағы № 177 бұйрығы. Қазақстан Республикасының Әділет министрлігінде 2015 жылы 26 мамырда № 11175 тіркелді. Күші жойылды - Қазақстан Республикасы Денсаулық сақтау министрінің 2020 жылғы 23 қазандағы № ҚР ДСМ-150/2020 бұйрығымен.

Ескерту. Күші жойылды – ҚР Денсаулық сақтау министрінің 23.10.2020 № ҚР ДСМ-150/2020 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

"Халық денсаулығы және денсаулық сақтау жүйесі туралы" Қазақстан Республикасының 2009 жылғы 18 қыркүйектегі Кодексінің 142-бабына сәйкес **БҰЙЫРАМЫН:**

1. Қоса беріліп отырған анатомиялық сыйды жасау және оны денсаулық сақтау ұйымдарына берудің қағидалары бекітілсін.

2. Қазақстан Республикасы Денсаулық сақтау және әлеуметтік даму министрлігінің Медициналық көмекті ұйымдастыру департаменті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрықты Қазақстан Республикасы Әділет министрлігінде мемлекеттік тіркегеннен кейін күнтізбелік он күннің ішінде мерзімдік баспа басылымдарында және "Әділет" ақпараттық-құқықтық жүйесінде ресми жариялауға жіберілуін;

3) осы бұйрықтың Қазақстан Республикасы Денсаулық сақтау және әлеуметтік даму министрлігінің интернет-ресурсында орналастырылуын қамтамасыз етсін.

3. Осы бұйрықтың орындалуын бақылау Қазақстан Республикасының Денсаулық сақтау және әлеуметтік даму вице-министрі А.В. Цойға жүктелсін.

4. Осы бұйрық алғашқы ресми жариялаған күнінен бастап күнтізбелік он күн өткен соң қолданысқа енгізіледі.

Қазақстан Республикасының

Денсаулық сақтау және

әлеуметтік даму министрі

Т. Дүйсенова

"КЕЛІСІЛГЕН"

Анатомиялық сыйды жасау және оны денсаулық сақтау ұйымдарына берудің қағидалары

1. Осы Анатомиялық сыйды жасау және оны денсаулық сақтау ұйымдарына берудің қағидалары (бұдан әрі - Қағидалар) "Халық денсаулығы және денсаулық сақтау жүйесі туралы" Қазақстан Республикасының 2009 жылғы 18 қыркүйектегі Кодексінің 142-бабына сәйкес әзірленді және анатомиялық сый жасау тәртібі мен шарттарын айқындайды.

2. Анатомиялық сый - әрекетке қабілетті адамның өз тіндерін және (немесе) ағзаларын (ағзаларының бөліктерін) тірі кезінде де, қайтыс болғаннан кейін де өз еркімен құрбандық етуі, оны адам тиісінше ресімдеген сыйға беру шарты немесе өсиеті арқылы жүзеге асырады.

Өсиет етілген тіндерден және (немесе) ағзалардан (ағзалардың бөліктерінен) басқа, табылған күнінен бастап қырық бес күн ішінде танылмаған және сұрауы болмаған адамдардың мәйіттері де анатомиялық сый ретінде танылады.

3. Денсаулық сақтау саласындағы уәкілетті орган бекіткен әлеуметтік мәні бар аурулар мен айналасындағыларға қауіп төндіретін аурулардың тізбесіне сәйкес айналасындағыларға қауіп төндіретін аурулардан қайтыс болғандардың, зорлықпен өлтіруден, өзін-өзі өлтіруден, жазатайым жағдайдан қайтыс болғандардың тіндерін және (немесе) ағзаларын (ағзалардың бөліктерін), сондай-ақ мәйіттерін биомедициналық зерттеулер жүргізу үшін анатомиялық сый түрінде беруге болмайды.

4. Биомедициналық зерттеулер жүргізу үшін анатомиялық сый мынадай денсаулық сақтау ұйымдарына беріледі:

- 1) патологиялық анатомия қызметін жүзеге асыратын ұйымдар;
- 2) ғылыми-зерттеу ұйымдары (ғылыми-зерттеу институттары, ғылыми орталықтар), жоғары медициналық білім беру ұйымдары.

5. Тіндерді және (немесе) ағзаларды (ағзалардың бөліктерін) тасымалдау арнайы жабдықты пайдалана отырып жүзеге асырылады, ал мәйітті тасымалдау

оларды сақтауға және тасымалдауға арналған арнайы көлікпен жүзеге асырылады.

6. Анатомиялық сыйды беретін денсаулық сақтау ұйымы басшысы бұйрығының шартымен немесе өсиетпен тиісінше ресімдеу арқылы жүзеге асыратын адам тірі кезінде және қайтыс болғаннан кейін өзінің тіндерін және/немесе ағзаларын ерікті берген адамдардың мәйіттерінің тіндерін және (немесе) ағзаларын (ағзаларының бөліктерін) беруді, сондай-ақ денсаулық сақтау ұйымдарына анатомиялық сый ретінде берілген танылмаған және сұрауы болмаған адамдардың мәйіттерін беруді Комиссия жүзеге асырады. Денсаулық сақтау ұйымдарына анатомиялық сый беру туралы акті осы Қағидаларға 1-қосымшаға сәйкес ресімделеді.

7. Комиссияның құрамына анатомиялық сыйды беруші және анатомиялық сыйды алушы денсаулық сақтау ұйымдарының басшылары, облыстардың, Астана және Алматы қалаларының денсаулық сақтауды мемлекеттік басқарудың жергілікті органдарының, сот-медициналық сараптама жүргізген органның өкілдері кіреді.

8. Анатомиялық сыйды беру және алу кезінде анатомиялық сыйды беруші және қабылдап алушы денсаулық сақтау ұйымдары анатомиялық сыйдың берілуін және келіп түсуін тіркеуді осы Қағидаларға 2-қосымшаға сәйкес анатомиялық сыйдың берілуін және келіп түсуін есепке алу журналында жүргізеді.

9. Мәйітте ерекше белгілері болған кезде бұл факт анатомиялық сыйдың берілуін және келіп түсуін есепке алу журналында жазба түрінде тіркеледі және (немесе) суретке түсіріледі, сурет анатомиялық сыйдың берілуін және келіп түсуін есепке алу журналына қосып салынады.

10. Танылмаған және сұрауы болмаған адамдардың мәйіттерін анатомиялық сый ретінде қабылдап алған жағдайда:

1) анатомиялық сыйды беру және келіп түсуін есепке алу журналында мәйіттің табылған күні көрсетіледі;

2) денсаулық сақтау ұйымы туыстары табылған жағдайда "Халық денсаулығы және денсаулық сақтау жүйесі туралы" Қазақстан Республикасы Кодексінің 42-бабының 3-тармағында көзделген мерзімнің ішінде оларды сақтайды.

11. Денсаулық сақтау ұйымдарында анатомиялық сыйды пайдаланудың міндетті шарты медициналық этиканы және дәрігерлік құпияны сақтау болып табылады.

12. Анатомиялық сый туралы мәліметтер жариялауға жатпайды.

Анатомиялық сыйды жасау
және оны денсаулық сақтау
ұйымдарына берудің
қағидаларына 1-қосымша

Анатомиялық сыйды денсаулық сақтау ұйымдарына берудің туралы акт

20__ ж. " __ " _____

(анатомиялық сыйды беретін денсаулық сақтау ұйымы басшысы
бұйрығының № мен күні)
құрамында: _____

(Комиссия мүшелерінің аты, жөні, тегі (болған жағдайда))

(шарт немесе өсиет жасалған күн және анатомиялық сыйды жасаған
адамның аты, жөні, тегі (болған жағдайда) көрсетіледі не мәйіттің
табылған күнінен бастап қырық бес күннен ерте болмайтын мерзімде
танылмаған және сұрауы болмаған мәйіттерді танылмаған және сұрауы
болмаған мәйіт тіркелген нөмір мен күн көрсетіледі)

негізінде

құрылған комиссия _____

(анатомиялық сыйды жасаған адамның тіндері және (немесе) ағзалары
(ағзаларының бөліктері) және Т.А.Ә. не жынысын, жасын, нәсілін,
денесінің көлемін және басқа да жеке ерекшеліктерін көрсетіп,
танылмаған және сұрауы болмаған мәйіт көрсетіледі)

(қайтыс болу себебі) анатомиялық сый деп таныды және "Халық
денсаулығы және денсаулық сақтау жүйесі туралы" Қазақстан
Республикасы Кодексінің 142-бабының негізінде осы актімен тіндерді
және (немесе) мүшелерді (мүшелердің бөліктерін) не танылмаған және
сұрауы болмаған мәйітті (керегінің астын сызу керек)

--	--	--	--	--	--	--	--	--

Ескертпе:

* танылмаған және сұрауы болмаған ерекше белгілері мәйіттің жынысы, аты, жөні, тегі (болған жағдайда), жасы, нәсілі, денесінің көлемі және басқа да жеке ерекшеліктері көрсетіледі.

** Датасы күні, айы және жылы белгіленіп көрсетіледі.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК